



古今事文類聚

前集

九
五
之
七

~~X
99
11~~

逍遙文庫
文庫 6
28
11





新編古今事文類聚前集卷之二十五

建安 祝穆 和父 編

金陵 唐富春 子邦 刊

仕進部

校文主司

韓文 手持文柄高抵寰海韓言 士患經術

韓文 之不明母患有司之不公進李解當道者文皆良有司韓文肯

與斗筭者決得失於一夫之目而為之憂哉韓文

詩句 一日聲名徧天下滿城桃李薦春官劉賓客賀王魏公飲

知君得人失者亦稱善坡

古今事實

辨戰場文

李華作弔古戰場文汚為故書七日與蕭穎士讀之稱工華問
今誰可及穎士曰君加精便能至矣華愕然而服

賦曰五色

李程正元中試曰五色賦先已榜落初出試場揚於陵遇程詢
其所試程示之其破題曰德動天監祥開日華於陵覽之謂程
曰公今須作狀元豈白無名於陵深不平乃於故無子未繕寫
而斥其名氏携之以謁主文主文嘆賞不已於陵曰當今文場
中若有此賦侍郎已遺賢矣此乃李程所作亟命取程納卷對
之不差一字主文因謀之於陵擢為狀元

賦阿房宮

吳武陵為太學博士太和初禮部侍郎崔郾試進士東都公卿
咸祖道長樂武陵最後至謂郾曰君方為天下求奇才敢獻所
益因出袖中書指為郾讀之乃杜牧所賦阿房宮詞既整拔
而武陵音吐條暢坐客大驚武陵謂曰牧方試有司請以第十
人處之郾謝已得其人至第五郾未對武陵勃然曰不爾宜以
賦見選郾曰如教牧果異等

黜去浮艷

正觀中考功員外郎王師且知貢舉時冀州進士張昌齡王公
瑾並有後才聲振京邑而師且考其文策全下舉朝不知所以
及奏等第太宗恠無昌齡等名因召師且問之對曰此輩誠有

文華然體性輕薄文章浮艷必不成令器臣若擢之恐後生相
効有變陛下風雅帝以爲名言後並如其言

主司權輕

開元中考功員外郎李昂主後秀才昂性剛急集貢士曰文之
美惡悉知之矣如有請託當悉黜之既而昂外舅薦李權於昂
昂怒召權庭數之又斥權章句之疵權曰鄙文不臧已聞命矣
執事詩云耳臨清漑洗心向白雲爾今天子春秋昂盛不揖遂
於下而洗耳何哉昂訴於執政朝廷以郎官權輕自是改用禮
部侍郎大唐遺事

重司空圖

王文正公凝典絳州時司空圖侍郎方應舉自別墅到郡謁見

後更不訪親知闈吏遞申司空秀出郭門後入郭訪親知即不
遣郡齋瑯琊知之謂其尊敬愈重之及知舉日司空捷列第十
四人登科同年誣其姓名甚暗所圖太速有鄙意者號爲司空
圖瑯琊知有此說因召一榜明生開進宣言於衆曰某叨忝文
柄今年榜帖全爲司空先輩一人而已由是聲名益振後爲御
史分司舊相盧公携酒訪之留詩曰氏族司空貴管班御史雄
老夫如且在未可歎途窮其爲名德所重如此北窓瓊言

堪掌綸誥

孫逖爲考功員外郎選貢士二年多得俊才初年杜鴻漸至宰
相顏真卿爲尚書後年授李華蕭穎士趙驥登一第逖謂人曰
此三人堪掌綸誥

懷金請囑

常執誼從祖兄夏卿為吏部侍郎執誼為翰林學士受財為人求科第夏卿不應乃探出懷中金以內夏卿袖夏卿擺袖引身而去實錄

我輩汗顏

昌平間劉黃對策詆官官考官馮宿等見劉黃策歎伏而畏官不敢取詔下物論翫然李邵曰劉黃下第我輩登第能無厚顏實由是不得杜于朝

陸氏一庄

崔群知舉歸其妻勸令求由群曰予有美庄三十所榜所放三十人是也妻曰君非陸贄門生乎君掌文柄約其子簡札不令

就試如以君為良田則陸氏一庄荒矣群無以答唐餘錄

私其鄉人

楊大年為翰林學士適禮部試天下士一日會鄉里在試者或云學士必持文衡幸預有以教之大年乃作色拂衣而入則曰不休哉大年果知貢舉九程文之用至休哉皆中選而當時坐中之客亦半有不以為意而不用者聞見後錄

歐變文體

嘉祐中士人劉幾累為國學第一人驟為險怪之語學者翕然效之遂成風俗歐陽公深惡之會公主支央意痛懲凡為新文者一切棄黜時體為之一變歐陽之功也有一舉人論曰天地萬物出聖人發公曰劉幾也戲讀之曰秀才刺試官刷乃以

大朱筆橫抹之。自是且上尾韻之。紅勒帛判大紙繆字榜之。既而果幾也。後數年公爲御試考官而幾在廷。公曰除惡務本。今必痛斥輕薄子。以除文章之害。有士人論曰。主上收精藏明於冕旒之下。公曰。吾已得劉幾矣。既黜乃吳人蕭穆也。是時試堯舜性仁賦。有曰。故得靜而延年。獨高五帝之壽。動而有勇。形爲四罪之誅。公大稱賞。擢爲第一人。及唱名。乃劉輝人有識之者。曰。此劉幾也。易名夫公愕然。久之。因欲成就其名。示賦有內積安行之德。蓋稟於天。公以爲積近於學。改爲蘊人。莫不以公爲知言。主司或夢火山軍得名。後歐公所取卷乃劉輝也。鍾談

學取落韻

景德二年御試得李迪以下。先是迪與賈邊皆有名。場屋禮部

奏名皆不與。取其文觀之。迪賦落韻。邊論當仁不遜於師以前。爲衆特令就御試。王且議落韻者。失於不詳。審捨洋疏而立異論。不可許。遂取迪而黜邊。當時朝論大率如此。

考官失察

建炎初。戎務擾攘。適當廷對。未暇臨軒。禮部進士姑令有司試策一道。不經御覽。潭州何烈不知所因。只依常式於卷子內稱。臣聞及聖問。浮溪爲考官。坐不舉覺。除集撰奉祠。謝表曰。謂子路使門人爲臣。雖誠悼理。而徐邈云。酒中有聖。初亦何心。

懷甓喧噪

謝史館泌解國學。舉子黜落甚衆。群言沸搖。懷甓以伺其出。泌知潛由他途。投史館宿數日。太宗聞之。笑謂左右曰。泌職在考

校豈敢濫收，小人不自揣分，反怨主司，然固須防避。又問曰：何官職，騶導雄節，都人歛避，左右奏曰：惟臺省知雜，呵擁難近，遂授知雜，以避擲簣之患。名臣遺事

舉子上請

世傳歐公掌貢闈，舉子問：喜舞是幾種事？公曰：疑事不用，使此乃南陽湯悅揚鸞，問答見鄭文寶江表誌。

古今文集

古詩

次韻晁仲考進士卷

黃魯直

少年迷翰墨，無異蟲蠹末。諸生程藝文，承詔當品目。牀敷設箱，篋賦納忽數。束變名混甲，之膽寫失句。讀書意過白，駒夜几跋。

紅燭鈎深思，嘉魚致璞願。良玉談天用，一律沾畢獻。重復絲布，澁難逢快意。忽破竹，聖言裨曲學。富家綴邪幅，注金無全功。竊發忽中鵠，崔公辟雕老。新穎茂，檇樸御史威。降霜行私，不容粟。吏部提英監，片善蒙采錄。博士川其楚，銓量頗三復。因入享成事，賤子真碌碌。

和晁仲觀試進士

黃魯直

人圍廟垣重，鼓作宮漏曉。晨門傳放鑰，空入荒庭秋。初如失木，猿稍若安巢。鳥黃鑪答拜辱，月淡秋天杳。發題疏，經疑按劍或。驚矯官曹察，坐起邏卒禁。紛擾僂趨蟻，爭丘癡坐鷺。鏡沼江淮有，名暈專場或。孤鷺袖手深盤礴，乞靈頗環繞。稚輩牛父子，相面多中表。鴻將鴈行斜，牛舐快犢小。墨泓點寒雲，筆尾撼叢蔕。雕

鷓鴣寄鼻詠。攘畧傾耳。剽割蚌得珠。難揚沙見金。少遺形骸冠。徒忘味棄。酌劍。雖揮魯陽戈。餘勇事未了。喧闐遂一空。星河明木杪。

余與李薦方叔相知久矣。領貢舉事而不得第。媿甚。

作詩送之。

蘇子瞻

與君相從非一日。筆勢翻翻疑可識。平時謾設古戰場。過眼還迷日五色。我慚不出君大笑。行止皆天子何責。青袍白苧幾千人。知子無怨亦無德。買羊沽酒謝玉川。為我醉倒春風前。歸家但草凌雲賦。我相夫子非臞仙。

次子瞻韻送李方叔

黃魯直

驥子隨地追風白。未試千里誰能識。習之實錄葬皇祖。斯文如

女有玉色。今年持憲佐春官。遂失此人誰塞責。雖然一閱有奇。偶博懸於校。不在德君看。巨浸朝百川。此豈有意潢潦前。願為霧豹懷文隱。莫受風蟬蛻骨仙。

催試官考較戲作

蘇子瞻

八月十五夜。月色隨處好。不擇茅簷與市樓。况我官居似蓬島。鳳味堂前野橘香。劍潭橋畔秋荷老。八月十八潮。壯觀天下無。鷓鴣水擊三千里。組練長驅十萬夫。紅旗青蓋互明滅。黑沙白浪相吞屠。人生會合古難必。此景此行那兩得。願君聞此添蟻燭。門外白袍如鶴立。

監試呈諸試官

蘇子瞻

我本山中人。寒苦盜寸廩。文詞雖少作。勉強非天稟。既得旋廢

志懶惰今十稔麻衣如再着墨水真可飲每聞科詔下白汗如
流瀉此邦東南會多士敢題品菊蕙畫蘭蓀香不數葵荏貧家
見珠貝眩晃自難審緬懷嘉祐初文格變已甚千金碎全璧百
衲収寸錦調和椒桂醜咀嚼沙礫碎廣眉成半額學步歸踽踽
維時老宗伯氣壓群兒凜蛟龍不世出魚鮪初驚恣至音久乃
信知味猶食糗至今天下士微管幾左社謂當千載後石室祠
高朕爾來又一變此學初誰論權衡破舊法芻豢突九飪高言
追衛樂篆刻鄙曹沈先生周孔出弟子淵騫寢却願老鈍軀顏
朴謝鐫鉞諸君况才傑容我懶且噤聊欲廢書眠秋濤喧午枕
博士王揚休輶客雲龍同事十一人飲之戲作

黃魯直

亂雲蒼壁小盤龍貢包新樣出元豐王郎坦腹飲床東太官分
物來婦翁棘園深鎖武成宮談天進士雕虛空鳴鳩欲雨喚雌
雄南嶺北嶺宮徵同書總欲眠視濛濛喜君開包輶香風注湯
官焙香出籠非君灑項耳露枕幾為談天乾古本

觀伯時畫馬禮部貢院作

黃魯直

儀鸞供帳饗蠡行翰林濕薪爆竹聲風簾官燭淚縱橫木穿石
槃未渠透坐窓不邀令人瘦貧馬百散逢一豆眼明見此玉花
驄徑想着鞭隨詩翁城西野桃尋小紅

真誥云太極老君與傅先生木鑽使穿一石盤厚五
尺許積四十七年而石穿遂得神丹 散 下卦反

莖餘草也

考試局與孫元忠博士竹間對牕夜聞元忠誦書聲調悲壯戲作竹枝歌和之

黃魯直

南窓讀書聲吾伊北窓見月歌竹枝我家白髮問烏鵲他家紅粧占珠絲

律詩

夜讀試卷呈君實景仁

王介甫

篝燈時見語驚人更覺揮毫捷有神學問比來多可喜文章非特巧爭新蕉中得鹿初疑夢牖下窺龍稍眩真邂逅兩賢時所服坐令孤朽得相因

詩話

號傳衣鉢

據言云禪家相傳法謂之傳衣鉢唐狀元以下往謝主司有與主司同科名者謂之謝衣鉢故范質舉進士主文和凝愛其文以第十三人登第謂質曰君之文宜冠多士屈居十二欲傳老夫衣鉢也質以為美有戲詩云從此廟堂添故事登庸衣鉢亦相傳邵氏錄

主司冬烘

鄭薰侍郎主文誤以顏標為顏魯公後取之後非是遂為舉子賦詩曰主司頭腦太冬烘錯認顏標作魯公

不負初心

唐人知貢舉者有詩云梧桐葉落井亭陰鎖閉朱門試院深嘗是昔年辛苦地不將今日負初心後為下第者改為五言末句

事文類聚前集 卷之二十三 日負初心 嵐齋記

同憲窮達

劉虛白昔與裴令公同視席及公主文虛白猶是舉子試雜文日簾前獻一絕云二十年前此夜中一般燈燭一般風不知歲月能多少猶着麻衣待至公

焚香撤幕

禮部貢院試進士設香案於階前試官與舉人對拜此唐故事也列坐設位供帳亦盛乃具茶湯至於試院學究則撤去席幕亦無茶湯渴則飲硯水皆黜其吻非固閑之蓋防擅幕中藏文字供應人傳義耳故歐公詩云焚香各進士撤幕待諸生

賦詩被謗

至和嘉祐間場屋舉子為文尚奇澁讀或不成句歐公力欲革其弊既知貢舉凡文涉彫刻者皆黜之時范景仁王禹玉梅公儀韓子華同事梅聖俞作參詳官未引試前唱酬詩極多歐公有無譁戰士嚼枚勇下筆春蠶食葉聲最為警策聖俞有萬蟻戰酣春晝永五星明處夜堂深亦為諸公所稱及放榜平時有聲如劉焯輩者皆不預選士論頗洶洶未幾詩傳開然以為主司惟酬唱不復詳考且言以五星自比待我曹為蚕蟻因造為醜語自是禮闈不復作詩經元豐未幾三十年元祐初稍稍為之要不知前日之盛然是榜得蘇子瞻為第一人子由與曾子固皆在選中亦不可謂不得人矣 石林詩話

偁和盛事

歐公云嘉祐二年余與端明韓子華翰長王禹玉侍讀范景仁
龍圖梅公儀同知禮部貢舉辟梅聖俞為小試官凡錄院五十
日六人者相與倡和為古律詩一百七十餘篇集為二卷禹玉
余為校理時武成王廟所解進士也至此新入翰林與余同院
又同知貢舉又天聖中余舉進士國學南省皆忝第十人薦名
其後景仁相繼亦然而子華筆力豪贖公儀文思溫雅而敏捷
皆勛敵也前此為南省試官者多窘束條制不少放懷余六人
者懽然相得群居終日長篇險韻眾制交作筆吏疲於寫錄僮
史奔走往來間以滑稽嘲諷加於風刺更相酬酢往往烘堂絕
倒自謂一時盛事云歸田錄

詩譏主司

陳彭年有親戚為其所黜遂作詩云取他權勢要明主落却親
情賣至公

監試主盟

馮當世秋試于鄉里主司堅欲黜落已而綴之榜末時鄂倅南
宮誠監試當拆封大不平力主之遂至魁選明年廷試第一除
荆南倅誠遷長沙倅當世以詩賀曰常思鵬海隔飛翮曾得天
風送羽翰比丘山何以戴心同金石欲移難經年空歎音書絕
千里常思道義寬每向江陵訪遺跡邑人猶指縣題看蓋江陵
縣額誠所書也

朱衣點頭

歐陽公知貢舉日每遇考試卷坐後常覺一朱衣人時復點頭

然後其文入格不爾則無復與考始疑待史及回視之一無所見因語其事於同列為之三嘆嘗有句云唯願朱衣一點頭侯鯖錄

[Faint bleed-through text from the reverse side of the page]

新編古今事文類聚前集卷之二十六

建安 祝穆 和父 編

金陵 唐富春 子和 刊

仕進部

士子科目

羣書要語

古者天子之制諸侯歲獻貢土於天子天子試之於

射宮射義

古之取士考素行之原詢鄉曲之譽崇禮遜明節義

以朴厚為先雕文為後方今舉士明詔方下固已驅馳府寺之

廷出入王公之道陳篇希恩奏記誓報故俗號舉人皆稱貢舉

唐薛登疏

操數寸之管書盈尺之紙高可以鈞爵位若循次而

事文類聚前集

卷之二十六

一

進亦不失於甲科韓答寶書士人應敵文章多用他人議論時語曰問即不知用則不錯墨客揮犀

古今事實

周取士制

太司徒之職以鄉三物教萬民而實興地官卿大夫之職各掌其鄉之政教禁令正月之吉受教法于司徒退而頒之于其鄉吏使各以教其所治以攷其德行察其道藝三年則大比攷其德行道藝而興賢者能者鄉老及鄉大夫帥其吏與其眾寡以禮賓之厥明鄉老及鄉大夫群吏獻賢能之書于王王再拜受之登于天府同上命鄉論秀才升之司徒曰選士司徒論選士之秀者而升之學曰俊士升于司徒者不征于鄉升于學者不

征于司徒曰造士王制

漢取士制

高祖詔曰賢士大夫既與我定有天下而不與吾共安利之可乎有肯從我遊者吾能尊顯之以布告天下其有稱明德者御史中執法郡守必身勸為之駕遺詣丞相府武帝詔曰召吏人有明當世之務習先聖之術者縣次續食令與計偕至闔郡不薦一人其與中二千石禮官博士議不舉者罪有司議曰不舉士一則黜爵再則黜地三則黜爵削地畢矣

漢之射策

漢射策與對策不同按蕭望之傳射謂為難問疑義書於策量其大小署為甲乙之科不使彰顯射者隨其所得而釋之對者

顯問以政事經義觀其所對文詞定高下孔氏雜說

北齊取士

北齊選舉多沿後魏之制皇帝出坐於朝堂中楹其有濫劣者飲墨水一升文理五浪者奪席脫容乃通典

唐取士制

唐貢士之科有秀才有明經有進士有明法有書有算每歲仲冬郡縣館監課試其成者長史會簿條設賓主陳俎豆備管弦牲用少牢行鄉飲酒禮歌鹿鳴之詩召耆艾叙少長而觀焉既餞而與計偕其不在館學而舉者謂之鄉貢武德以來禮部開試之日皆嚴設兵衛薦棘闈之搜索衣服譏訶出入以防假濫焉通典

中書詳覆

長慶三年正月禮部侍郎王起奏曰伏以禮部放榜之後遠近誤傳非便臣請今年進士堪及第者本司考試訖其詩賦先進中書門下詳覆勅却下本司然後准例大字放榜從之

殿試之始

則天永昌元年二月策問貢舉人於洛陽城殿前殿試自此始

糊名之始

武后以吏部選人多不實乃令試白自糊其名暗考以定等第

重進士科

進士科始隋大中正觀末微之際縉紳雖位極人臣不世進士者不以爲美其推重謂之白衣鄉相以白衣之士即鄉相之

資也重之如此金通典

不許繼燭

唐制禮部試舉人夜以三鼓為限宋率用白晝不許繼燭國朝事實

舉業踈畧

宋初每歲放榜取士極少乃安德裕作魁日九人而已蓋天下未混一也至太宗朝浸多所得東南之秀其後又別立分數考校五路舉人以北人拙於詞令故優取熙寧二年廷試罷三題專以策取士非雜犯不復黜然五路舉人尤為踈畧黃道夫榜傳臚至第四甲党鐔卷子神宗大笑曰此人何由過省知舉舒信道對以五路人用分數未名過省上命降作第五甲末自後

人日益廣宣和七年沈元用榜正奏名殿試至八百五人蓋燕雲免省者既眾天下赴南宮試者萬人無踰此歲之盛

推原事始

開寶六年因徐士廉伐鼓訟不公帝御講武殿覆試御試自此始賜詩自興國二年呂蒙正榜始分甲次自興國八年王世則榜始及第日賜袍笏自祥符中姚暉榜始賜宴自呂蒙正榜始賜同進士出身自王世則榜始唱名自雍熙二年梁顥榜始封彌謄錄覆考編排皆始於祥符景德之間

隔截進士

陳彭年任翰林學士求對歸請政府王文正公且延見之陳起呈其狀曰科場條貫公投之於地曰內翰做官幾日待隔截不

下進士陳惶懼而退遺事

秀才變學究

王荆公改科舉暮年曰本欲變學究為秀才不謂變秀才為學究蓋舉子專誦王氏章句而不解義正如學究誦註疏耳談叢

庭試以策

呂公著知貢舉密奏曰天子臨軒策士而用詩賦非舉賢良求治之意今來庭試乞出自宸衷唯以詔策咨訪治道自是上臨軒始以策試進士呂家傳

不私增年

寇萊公十九舉進士時太宗取人多問其年年少者往往罷黜或教公增其年公曰吾初進取可欺君耶

不妨舉業

程伊川曰或謂科舉事奪人功是不然且一月之中十日為舉業餘日足可為學然人不志於此必志於彼故科舉之事不患相妨惟患奪志外志

古今文集

雜著

學校貢舉私議

朱元晦

古者學校選舉之法始於鄉黨而達於國都教之以德行道藝而與其賢者能者蓋其所以居之者無異處所以官之者無異術所以取之者無異路是以士有定志而無外慕蚤夜孜孜唯懼德業之不脩而不憂爵祿之未至夫子所謂言寡尤行寡悔

祿在其中。孟子所謂脩其天爵而人爵從之。蓋謂此也。今之爲法其所以教者。既不本於德行之實。而所謂藝者。又皆無用之空言。至於其弊。則所謂空言者。又皆恠妄無稽。而適以敗壞學者之心志。是以人才日衰。風俗日薄。朝廷州縣。每有一事之可疑。則公卿大夫。官人百吏。愕眙相顧。而不知所出。是亦可驗其爲教之得失矣。議者不知其病源所在。反以程試文字之不工爲患。夫空言本非所以教人。亦不以足取士。而詩賦又空言之尤者。其無益設教。取士章章明矣。然熙寧罷之。而議者不以爲是者。非罷詩賦之不善。乃專主王氏經義之不善也。今必罷詩賦。而分諸經于史時務之大者。古者太學之教。以格物致知爲先。而其考教之法。又以九年知慮通達。強立不反爲大成。蓋天

下之事。皆學者所當知。而其理之載於經者。則各有所主。若諸子之學。同出於聖人。各有所長。不能無短。其長者固不可以不學。而其所短亦不可不辨也。至於諸史。則該古今興亡治亂得失之辨。時務之大者。如禮樂制度。天文地理。讞刑法之屬。亦皆當世所須。而不可闕。皆不可以不知習也。今欲以易書詩爲一科。而于年午年試之。周禮儀禮及二戴之禮爲一科。而卯年試之。春秋三傳爲一科。而酉年試之。諸經皆兼大學之論語中庸孟子論則分諸子爲四科。而分年以附焉。策則諸史時務亦然。則士無不通之經。無不習之史。而皆可爲當世之用矣。草茅之慮。偶及於此。故嘗敢私記其說。以爲當路之君子。或將有取焉。

幕印進士試題

唐穆宗長慶元年禮部侍郎錢徽知舉放進士鄭即等三十三人後以段文昌言其不公詔中書舍人王起知制誥白居易重試駁放廬公亮等十人貶徽江州刺史白公集有奏狀論此事大畧云伏科自欲重進士以來論奏者眾甚蓋以禮部試進士例用書策兼得通宵得通宵則思慮必周用書無則文字不錯昨重試之日書冊不容一字大燭又許兩條迫促驚忙幸皆成就若此禮部所試事校不同及駁放公亮等敕文以為孤竹管賦出於周禮正經閱其程試之文多是不知本末方知唐試進士許執書及見燭如此 國朝淳化三年 太宗試進士出危言日出賦題孫何等不知所出相率扣殿檻乞上指示之上

為陳大義景德二年御試天道猶張弓賦後禮部貢院言近年進士惟鈔畧古今文則懷挾入試昨者御試以正經命題多禮所出則知題目不示以出處也大中祥符元年試禮部進士內出清明象天賦等題仍錄題解幕印以示之至景祐元年始詔試日進士題自具經史所出幕印給之更不許上請容齋隨筆

古詩

送皇甫湜赴舉

馮異

馬蹄聲特特去入天子國借問去是誰秀才皇甫湜含吐一腹文八音兼五色玉文有崔李郁郁為朝德青銅鏡必明朱絲繩必直稱意太平年念子長相憶

律詩

省試夜

薛能

白蓮千朵照廊明，一片承平雅頌聲。更報第三條燭盡，文昌風景寫難成。

題都堂壁

常承矩

褒衣博帶滿塵埃，獨上都堂納卷回。蓬卷幾時聞吉語，棘籬何日免重來。三條燭盡鍾初動，九轉丹成鼎未開。殘月漸低人擾擾，不知誰是謫仙才。

詩話

八义手成

温庭筠才思艷麗，工於小賦。每入試，押官韻，凡八义手，而八韻成，多為陸錡假手。日救數人，而士行有缺，縉紳薄之。

槐黃赴舉

長安舉子六月後落第者不出京，謂之過夏。借淨坊廟院作文，章曰夏課。時語曰：槐花黃，舉子忙。故翁承贊有詩云：雨中粧點望中黃，勾引蟬聲送夕陽。憶得當年隨計吏，馬蹄終日為君忙。

高談性命

山谷詩云：棘闈深鎖武成宮，談天進士雕虚空。熙豐間進士高談性命，溺於虛無。元祐初，其習猶在。

狀元

羣書要語：子大夫衰歛為舉首，漢制策。北斗星魁為首，杓為末。天文志：昔者處貧賤之辱，所有無以異於今。一朝居豪傑之先。

事文類聚前集

卷之二十六

七

而人然後知其貴坡集擢冠倫魁益公集三年而奉詔策固南官進士之所同一舉而冠儒科蓋東閣郎君之未有汪藻賀秦

古今事實

晁董公孫見制科門

謝傳衣鉢詳見主司門

唐進士自狀元以下到主司宅下馬緩行而立飲名紙通羊對拜主司云謝衣鉢據言

狀元角勝

太祖朝王嗣宗與趙昌言爭狀元於殿前乃命二人手搏約勝者與之趙昌言髮禿嗣宗歐其僕頭墜地趨前曰臣勝矣上

笑以嗣宗為狀元涑水記聞

五年不詔

太宗自淳化三年賜進士孫何及第出身後五年不降詔

大小狀元

章聖即位咸平元年二年皆放進士舉孫僅孫暨相繼魁天下皆汝州人京師間巷之人榮之至於百姓亦以大狀元小狀元呼之嘉祐八年許將治平四年許世安時謂太許小許然亦以姓呼蓋由隔彭汝礪一榜也

呼小狀元

孫何孫僅兄弟馳名王黃州覽僅文編書其後曰明年再就堯堯皆試應被人呼小狀元僅果第一王黃州以詩寄之曰病中何

事類彙編前集 卷之三十六
事忽開顏記得時稱小狀元粉壁每題龍虎榜錦標終屬鶴鴒
原澠水燕談

小宋當魁

宋祁兄弟同行逢一異僧相曰小宋當大魁天下大宋亦不失
甲第後十年大宋復遇諸塗僧乃大驚曰公丰神特異如此豈
活數萬命者乎大宋曰素貧安得有此僧曰姑思之宋良久曰
北堂有蟻穴忽為大雨所浸編竹為橋以渡豈此是耶僧曰必
是也小宋合當首魁公終不出其下比唱策小宋果大魁章獻
太后乃謂弟不可以先兄因命大宋為第一小宋為第二

竟如素志

胡且有俊才尚氣凌物嘗大言曰應舉不作狀元仕官不為宰相

相乃虛生也及隨計之秋適坐中聞鴈乃題詩曰明年春色裏
領取一行歸果魁天下

鄙渴睡漢

呂文穆公未第時薄遊一縣時胡大監且隨其父宰是邑遇呂
甚薄客有喻胡曰呂公能詩宜少加禮胡問警司客舉曰挑盡
寒燈不成夢胡笑曰乃一渴睡漢耳呂甚恨而去明年首中甲
科寄聲於胡曰渴睡漢狀元及第矣胡曰待我明年第十人及
第輸君一籌既而次榜亦中首選文穆公蒙正也 歸田錄

不在溫飽

王魯青州發解及南省廷試皆為首冠中山劉子儀為翰林學
士戲語之曰狀元試三場一生喫着不盡沂公正色答曰魯平

生之志不在温飽東軒筆錄

不受郊迎

王沂公曾狀元及第遷青州故郡府帥聞其歸乃命父老娼樂迎於郊公乃易服乘小驢由他門入遞謁守守驚曰聞君來已遣人奉迎門司未報君至何為抵此公以實告之曰不才幸忝科第敢煩太守父老致迓是重其過也吳曾漫錄

五色雲見

天聖五年仁宗試進士韓魏公名在第二時唱名第一甲方終太史奏曰五色雲見從官皆賀魏公家語

兩世狀元

真宗東封六月放梁固以下進士及第祀后土于汾陰放張師

德以下進士及第固狀元梁顥子師德亦狀元去華子魏野以詩賀曰封禪汾陰連歲榜狀元俱是狀元兒

三世探花

李昌武宗謨之子昭邁十八歲鎖廳及第昭邁子果卿果子士兼皆不逾是歲登甲科凡三世俱曾為探花郎亦衣冠盛事也揮塵錄

傳呼狀元

蔡齊字子思真宗臨軒策士夜夢殿下有菜一苗甚盛與殿基相高及拆第十卷蔡齊上見其狀堂堂曰得人矣詔金吾給衛士七人清道尋詔自今第十人及第令給七人當直許出入則兩對引唱傳呼狀元始於此也東齊遺事

叱呼狀元

韓持國知穎州府時彥以狀元及第每稱狀元持國怒曰狀元無官耶自此呼時僉判彥終身銜之馬洵巨濟亦以狀元及第為奉筭亦呼狀元秦帥呂晉伯曰狀元者及第未除也既為判官不可曰狀元巨濟媿謝同上

語以不欺

賈內翰贈以狀元及第歸鄧州范文正公為守內翰謁文正曰某晚生偶得科第願受教文正曰君不憂不顯惟不欺二字可終身行之內翰拜其言不忘聞見錄

願得忠孝

神宗慎於選士皇祐五年廷試進士考定前一日取首選卷焚

香祝之曰願得忠孝狀元洎唱名乃鄭內相獬也故鄭謝及第啟云何以副上心忠孝之求是也塵史

少年太魁

李文正公嘗言同年相國王公溥二十六歲狀元後六年拜相時年三十二又四年加司空時年三十六又六年以一品罷相守太子太保時四十二歸班行猶在具慶下每先太傅見客公以前宰相兢兢侍側略無惰容客以不安席引去者甚眾當時縉紳之士無不以為美談李文正談錄

先衣新衣

王拱辰與歐公同年進士文忠自監元省元赴廷試鈐意慰天下明白當唱名備新衣一襲拱辰輒先衣以入文忠恠焉拱辰

笑曰為狀元者當衣此唱名果第一 邵氏後錄

以文頒示

蔡凝文饒崇寧五年廷試第一上甚喜其文以御寶封試卷付國子監頒示四方俄召對

不肯自陳

范鎮舉進士禮部奏名第一故事殿庭唱第過三人則禮部第一人者必越次抗聲自陳因擢真上策鎮不肯自言至第七十九人乃出拜退就列無一言廷中皆異之

不取貴戚

馮京舉進士自鄉選至廷對俱策名第一張堯佐倚外戚欲妻以女使擁入其家頃之中人以酒斂至且示以奩具其厚京不

肯就力辭之

天門放榜見天門

夢斫落頭

相國劉沆天聖中赴省試一夕夢被人斫落頭心甚惡之有鄉人釋之曰狀元不到十二郎做公第行只得第二人公詰之曰斫却頭留項在裏蓋南音呼沆為項也後果第一人及第

雜記

夢火山軍見王司明

夢人割髭

李立文定公迺美髯髯御試前一日夢被人割削俱盡心惡之有解者曰必為狀元緣今歲省元是劉滋已替滋矣非狀元而何

皇朝類苑 卷之三十六
是歲果狀元及第

夢登雲梯

莆田鄭僑 惠叔乾道己丑春省試中選未廷對夢空中一梯雲氣圍繞竊自念曰世所謂雲梯者茲其是歟俄身至雲梯側遂登之及高層仰望則有大石蒼然如鏡面正懼壓已忽冉冉昇騰立于石上敬覺自喜但不曉登石之義既而為天下第一其次曰溫陵石起宗先是考官用分數編排石君當居上臨唱名始易之云容齋隨筆

古今文集

雜著

狀元年三十以下者

王宣徽 拱辰 汪端明 應辰 年十八 沈內翰 邁 年二十 莫內翰 雋

二一十一 梁內翰 顯 張舍人 孝祥 王尚書 佐 皆二十三 楊樞密 蘇

叅政 易簡 水尚書 待問 皆二十四 王丞相 魯 王叅政 堯 張監丞

唐卿 賈內翰 黠 彭尚書 汝礪 衛舍人 任 皆二十五 何僕射 與 趙

丞相 汝愚 皆二十七 蔡樞密 齊 宋丞相 庠 馮樞使 京 楊監丞 寅

姚祕書 穎 王叔興 昂 皆二十九 陳樞密 堯叟 張叅政 觀 詹舍人

駁 許簽判 奕 皆年三十 朝野雜記

狀元十年執政者

呂詩公 蒙正 丁丑榜 癸未年叅政 凡七年 董資政 德元 丁卯榜

甲戌年叅政 凡八年 鄭梁公 克蒙 庚辰榜 己丑年簽書 凡十年

狀元五年持篆者

事文類聚前集 卷之三十六 十四

余給事自及第至給事中九二年蘇叅政易簡霍侍郎端友自及第至知制誥九四年陳栗公堯咨自及第至知制誥九五年

狀元三年執政省元二年持橐者

秦伯陽紹興十二年以右通直郎登第二年而為禮部侍郎三年而知樞密院事其子埴紹興二十四年登第明年為禮部侍郎郎古今所未有也

狀元大拜者

建隆以來狀元已沒者六十九人而大拜者七人而已呂文穆家正王文正魯李文定廸宋元憲岸何開府稟梁文靖克家趙銀青汝愚是也執政九十一人楊樞密礪王景莊嗣宗蘇叅政

易簡 陳文忠堯叟 張文孝觀 蔡文忠濟 王文忠堯臣 馮文簡京 許黃門將 陳樞密誠之 鄭樞密僑 是也節度使二人 陳康肅堯咨 王懿恪拱辰 是也此外則何文績自登第至大拜十二年 梁鄭公登第至大拜十二年並雜記

古詩

觀上親試貢士歌

王元之

天王出震震中清奎星燦燦照文明詔令郡國貢多士大張網羅群英聖情孜孜終不倦日斜猶御金鑾殿宮柳低垂三月煙爐香飛入千人視麻衣皎皎光如雪一一重瞳親鑒別孤寒得路荷君恩聚首皆言盡臣節小臣蹤跡本塵泥登科曾賦御前題屈指方經五六歲如今已上青雲梯位列諫官無一語自

愧將何報明主應制非才但淚垂強作狂歌歌舞禹

律詩

登第後宿平康里

鄭谷

春來無處不閑行。楚國相看別有情。好是五更殘酒醒。耳邊聞喚秋元聲。

詩話

平康謁妓

裴息謙狀元及第。以紅牋作名紙謁平康里諸妓。因宿于里中。有詩曰：銀鈿斜背解鳴璫。小女低聲喚玉郎。從此不知蘭麝貴。夜來新惹桂枝香。

未第選婿

李翱尚書牧江淮郡。日進士盧儲捲卷來謁。李禮待之。置文卷几案間。赴公宇視事。長女及笄。見文。尋繹數四。謂小青衣曰：此人必為狀元。李公聞之。深異其語。乃暮為婿。來年果狀元及第。纔過殿試。徑成佳姻。詩曰：昔年曾去玉京遊。第一仙人許狀頭。今日已成秦晉約。果教鸞鳳下粧樓。

志魁天下

黃冕仲未第時。嘗有魁天下之志。元豐四年。南劍州譙門一柱忽為迅雷所擊。冕仲聞之。占成四句。云：風雷昨夜破枯株。借問天公有意無。莫是卧龍蹤迹困。放開頭角入天衢。次年對策為天下第一。

身到黃扉

本朝狀頭入相者。呂文穆蒙正。王文正公魯。李文定公迪。宋元
憲公庠。元憲登庸。知制誥石揚休賀以詩曰。黃朝四十二龍首。
身到黃扉止四人。副樞王伯庸。堯臣曰。何不道已四。而特言止。
惜哉。蓋伯庸繼元憲魁天下士。然未幾薨于位。自慶曆及公迄。
未有先多士而後大拜者。異哉。西清詩話後四十年。李士美何
文鎮亦以廷魁至。鼎席渡江。則梁克家。揮塵錄

出處略同。

王沂公與李文定公連榜取殿魁。又相繼秉鈞軸。文定鎮并門。
公均逸本鄉。作詩寄之。略曰。錦標得雋。曾相繼。金鼎調元亦荐。
更。井上兒童公再見。會稽幢紱我偏榮。歸田錄

誓作狀元。

呂文穆公蒙正嘗與溫恭肅仲舒及一友人忘其姓名。讀書於
洛陽龍門山。誓不作狀元不仕。及唱第。文穆為狀元。溫恭已不
意。然尚中甲科。其友人隨拂衣歸隱。後文穆大用。太宗問與
誰為友。文穆即以歸隱者對。遂以著作郎召不起。故文穆罷相。
居洛作詩贈之曰。昔作儒生謁貢闈。今提相印出黃扉。九重鴛
鷺醉中別。萬里煙霄達後歸。隣叟盡垂新白髮。故人猶著舊麻
衣。洛陽謾說多才子。自嘆遭逢似我稀。青箱雜記

賦詩見志

夏文莊公守安陸。宋苜公兄弟尚皆年少。文莊異待之。命作落
花詩。苜公曰。漢臯珮冷臨江失。金谷樓危到地香。于京曰。將飛
更作回風舞。已落猶成半面粉。是歲詔下。兄弟皆應舉。文莊曰。

詠落花而不言落。太宋須狀元及第，異自作宰相。小宋非所及，然亦須登嚴近，後皆如其言。故文莊在河陽，聞曹公登庸，以別紙賀曰：昔年安陸已識台光，蓋謂是也。青箱雜記

賦梅見志見梅門

貢院失火

元豐八年，尚書戶部侍郎權知貢舉，開寶寺萬禮部貢院，夜四鼓，火翟曼陳之方馬希孟皆焚死，其後別試焦蹈為魁，謬云不因南省火安得狀元焦

老作大魁

梁灝年八十一，雍熙十年狀元及第，謝啓曰：白首窮經，少狀元之八歲，青雲得路，多天公。之二年後秘監卒年九十一，二十六卷十餘。陳道齋開覽正敏。

勅編古今事文類聚前集卷之二十七

建安 祝穆 和父 編

金陵 唐富春 子和 刊

仕進部

宏詞 館職附

制科

羣書要語賢良明於古今正事之體受策察問咸以書對若之于篇朕親覽焉漢武帝子大夫東然為舉首漢制

宏詞唐設博學宏詞科選舉志國初立宏詞拔萃科紹聖立服

勤詞學科大觀改詞學兼茂才科紹聖改博學宏詞科國史

古今事實

事文類聚前集

卷之二十七

擢董仲舒

董仲舒字廣川武帝即位舉賢良文學之士前後百數而仲舒以賢良對策

擢晁錯

晁錯言申韓刑名於張恢武帝詔有司舉賢良文學之士錯在選中答策謂五帝神聖其臣莫及

擢公孫弘

武帝舉賢良文學之士對策者百餘人太常奏弘第居下天子擢弘為第一召見容貌其嚴拜為博士待詔金馬門

或治申韓

建元中衛綰奏所舉賢良或治申商韓非蘇秦張儀之言亂國

政皆罷奏可

桂林一枝

泰始中郤詵遷雍州刺史武帝於東堂會選問詵曰卿自以為何如詵對曰臣奉賢良對策為天下第一猶桂林之一枝崑山之片玉帝笑侍中奏免詵官帝曰吾與之戲耳

獨為第一

張柬之字孟將進士擢策以賢良召試同時對策者千餘人柬之獨為第一擢拜監察御史

無登等者

宋興以來御試制科舉人無登等者惟吳育第二等餘皆四等除此則落之東軒筆錄

直言不棄

嘉祐六年試賢良方正蘇軾第三等轍第四等轍語切直司馬光考人第二等翰林學士范鎮難之欲降其等考官胡宿欲黜之光言是獨有愛君憂國之心不可不收上曰求直言而以直棄之天下其謂我何乃收入第四等

當取大科

富韓公弼初遊場屋穆脩伯長謂之曰進士不足以盡子之才當以大科名世公果禮部試下時太師公官耀州西歸陝范文正公遣人追公曰有旨以大科取士可亟還公復還京師見文正辭以味嘗為此學文正曰已聞諸君薦君矣久為君闢一室皆大科文字可往就館時晏元獻公為相求婚于文正文正曰

公女若嫁官人仲淹不敢知必欲國士無如富弼者元獻一見公大愛重之即議婚公遂以賢良方正登第聞見錄

一門大科

錢希白賢良方正擢第子明逸子飛彥遠子高相繼登制科蘇軾蘇轍兄弟同年制策入等衣冠以為盛事故子高謝啓曰兩朝之間相繼者父子十年之內並進者弟兄子瞻啓曰兄弟竊於賢良衣冠或以為盛事希白從孫藻以皇祐五年登進士第是年說書中選後十年復登制科其謝啓云十年二第屢玷於主司一門四人無慙於祖烈澠水燕談

預夢試題

吳文肅公奎將舉賢良夢入魏文帝廟升殿問群臣優劣公未

對帝曰韓延壽為最是夕門下抄書吏楊開者亦夢公讀楊阜傳翼日告公覽一傳及試六論一乃韓延壽楊阜孰優公果中首選澠水燕談

出孟子注

張賢良咸漢川人應茂科初出蜀過夔州郡將知名士也一見遇之甚厚因問曰四科優劣之差見于何書張無以對守曰載孟子注中因指示之張道中漫思索者論及至都閣試文論以此為首題張更不注思而就主文錢穆父覽之大喜過閣第一張即魏公之翁也揮塵錄

不讀孟子

李泰伯素不喜孟子以為孔子尊王孟子教諸侯為王嘗試制

科六論不得其一曰吾書未嘗不讀必孟子注疏擲筆而出人為檢視之果然終不中第

辭類排優

以下係本詞

韓愈云僕聞禮部有以博學宏詞選者人尤謂之才退因取所試讀之乃類于俳優者之辭類忸怩而心不寧者數月答崔立之書

不當自售

楊龜山云試宏詞乃是以文字自售古人為己似不如此語錄

問克敵弓

李平叔云洪景伯兄弟應博學宏詞以克敵弓銘為題洪惘然不知所出有巡鋪老卒觀于案間以問洪曰官人欲知之否洪笑曰非而所知卒曰不然我本韓太尉世忠之部曲從軍日見

有入以神臂弓舊樣獻于太尉太尉令如其制度製以進御賜名克敵并以歲月告之洪盡用其語首云紹興戊午五月大將云云主文大驚喜是歲遂中科目若有神助焉此蓋熙寧中西人李宏中創造因內侍張若水獻于裕陵者也

倒係館職綳孩兒

苗振第四人及第召試館職晏相曰宜稍溫習振曰豈有二十年為老娘而倒綳孩兒者乎既試果不中選公笑曰苗君竟倒綳孩兒矣倦遊錄

召試謁謝

韓忠獻公宋景文公同召試中選王德用帶平章事例當謝二公有空疎之謙德用曰亦曾見程文誠空疎少年更宜廣問學

二公大不堪景文至曰吾屬見一老衙官是納侮也後二公俱成大名德用已薨忠獻謂景文曰王公雖武人尚有前輩激厲成就後學之意不可忘也聞見錄

古今文集

古詩

送韋道冲秀才赴制舉

劉禹錫

鷺禽一辭巢栖息無少安秋扇一離手流塵蔽霜紈故侶不可追涼風日已寒遠逢杜陵士別盡平生歡逐客無印綬楚江多芷蘭因君時暇遊長缺不復彈閱書南軒霧組琴清夜闌萬境身外寂一盃腹中寬伊昔元宗朝冬卿冠鸞鷲蕭穆升內殿從容頂高冠游夏無措詞陽秋垂不刊至今羣王府學者空縱觀

世人希德門。揭若攀峰巒之子。尚明訓。鏘如振琅玕。一旦西上。書班裳拂行鞍。荆臺宿暮雨。漢水浮春瀾。君門起天中。多士如皇。攢烟霞。覆雙闕。并舞羅千官。清漏滴銅壺。仙厨下。離盤焚煌。仰金榜。錯落飛濡翰。古來長策人所嘆。遭時難。一鳴從此始。相望青雲端。

真相疑行

杜甫

男兒生無所成頭皓白。齒牙搖落真可惜。憶獻三賦蓬萊宮。自惟一日聲烜赫。集賢學士如城牆。觀我落筆中書堂。往時文彩動人主。今日饑寒趨路傍。晚將末節契年少。當面論心背面笑。寄謝悠悠世上兒。莫爭好惡真相疑。

詩話

中貴乞詩

夏鄭公竦以父歿王事得二班差使。攜所業投李文靖公。沈有山勢蜂腰斷。溪流燕尾分之句。明日袖詩進皇。乞換一文資。後舉制科。對策庭下有老宦者曰。聞人多矣。賢良他日必貴。以昇綾手巾乞詩。公題曰。殿上衣衣明日月。堦前旗影動龍蛇。縱橫禮樂三千字。獨對丹墀日未斜。

試罷題壁

王仲至欽臣。仁宗時名儒。召試學士院。王荆公為考官。于簾下見其試畢。就壁問題字。荆公使人錄之。乃一詩。荆公為改奏罷。長楊賦作奏賦。長楊罷。荆公在金陵好事者求書。多寫此詩。古木陰森白。玉堂長年來。此試文章甘斜奏。罷長楊賦。閑拂塵埃。

及第

下第附

羣書要語其都會謂之舉場通稱謂之秀才投刺謂之鄉貢得第謂之前進士互相推敬謂之先輩俱捷謂之同年列姓名於慈恩謂之題名在闈試謂闈燕天宴曲江亭謂之曲江宴籍而入選謂之春官不捷而醉飽謂之打盹燥李肇國史補士人初登第必展歡宴謂之燒尾說者云虎化為人惟尾不化須得燒去乃化又說新羊入群羊抵觸須燒其尾乃走又說魚躍龍門化爲龍時必雷爲燒其尾乃得化聞見錄交州記有龍門水深百尋大魚登此化成龍不得過曝腮點額血流此水常如丹池

又謂龍門今在絳州

李膺傳注

鵬搏扶搖而上者九萬里莊子

今夫取科者交貴勢倚親戚合則插羽翮生風濤沛然而有餘吾無有也柳送婁文新進士每及第鄉曲親戚例以聲樂相慶天寶遺事

詩句龍門客又新

杜甫

攀桂仰天高

變化有鷗鵬

蛟龍得

雲雨

鷗鵬在秋天

青雲動高興

勳業青冥上

勳業頌

看鏡

白屋難久留

禮闈曾擢桂

致身青雲上

新渥照

乾坤

亨衢照紫泥

汀草隨青袍

早充觀國賓並杜

折却

月中桂

風雲入壯懷

振衣造雲闕

漸階振羣鷺

雲霄

今已逼

韓

及第拜親榮

唐人恩袍草色動

仙籍桂香浮

御製

下第

一試於吏部一既得之而又黜於中書

韓答崔書

詩句氣味如中酒情懷似別人唐人下第詩

古今事實

芥拾青紫

漢夏侯勝為太子太傅每講授常謂諸生曰士病不明經術經術苟明取青紫如俛拾地芥耳

糾不赴宴

唐進士會燕曲江崔豕請告假不赴乃以彫憶戴妓遊觀為團司所發崔沉為主罰錄事判云深挽蒲帽密映檀車紫陌尋春便隔同年之面青雲得路可知異日之心撫言

淡墨題榜

進士榜粘黃紙四張以淡墨題筆書禮部貢院四字粘於榜首

撫言

李紆侍郎放舉人命筆吏執紙書榜未及填禮部貢院字吏得疾令史王脉亦善書詔令終其事值脉醉以檀筆染不加墨迨明方覺字體濃淡相間反致其妍自後法遂為故事賈魏公談錄

題名雁塔

唐進士自神龍以來杏園宴後皆於慈恩寺塔題名它時有將相則朱書之或未及第時題名字添前進士李肇國史補佛在世時有比丘見群鴈飛乃念曰此鴈可充我之食佛曰此鴈王也不可輒食乃為管塔曾說類

泥金書帖

唐進士及第以泥金書帖附家書中報登科之喜至文宗朝遂

罷此儀盧氏雜記

龍虎榜

唐歐陽詹與韓愈李觀崔群王涯聯第進士時號龍虎榜詹傳

探花郎

唐進士杏園初會謂之探花宴以少俊二人為探花使遍遊名園若他人先折得名花則二人被罰洛中記選最年少者二人為探花使世謂之探花郎東軒筆錄

榜花

唐太中以來禮部放榜有姓氏稀僻者號曰榜花南部新書

一第涵子

唐元結舉進士禮部侍郎楊浚見其文曰一第涵子耳有司得

字是賴果擢一第

千佛名經

張偉數舉進士不第捧登科記頂上戴之曰此千佛名經撫言

東塗西抹

薛逢晚年厄於官途策羸馬赴朝值新進士綴行而出團司所由數十人見逢行李蕭然前導曰回避新郎君逢輟然遺价語曰莫貧相阿婆三五少年時也曾東塗西抹來撫言

袁州舉人

盧肇袁州人初赴舉先達曰袁州出舉人邪答曰袁州舉人亦猶沅江出鱉甲九肋者稀撫言

因弟棹兒

...

李景莊老於場屋每被黜母輒杖景讓景莊兄宰相謂主司曰李景莊今歲不可不收可憐彼兄每歲受杖由是始得及第唐武宗紀

少年擢第

韓愈年二十五歲而擢第於春官以文名於四方與刑尚書書

妓孤破腮

唐妓牙娘性輕率好傷人肌膚夏侯澤為牙娘批頰傷甚翼日期集澤厲聲曰昨日女子牙娘孤破澤腮同年皆駭孫榮北里志

全榜通判

宋太祖幸西都張文定公齊賢獻十策帝歸謂太宗曰吾西都為汝得一張齊賢宰相也太宗即位齊賢方赴廷試帝欲其

上甲有司置於丙科帝不悅有旨一榜盡除京官通判文定得將作監丞通判衡州不十年位宰相聞見錄

更相為僕

見交友門

錫宴簪花

溫公曰吾性不喜華麗二十奉科名間喜宴獨不簪花同年曰君賜不可違也乃簪一花家傳

熟讀左傳

艾穎少年赴鄉舉逆旅中遇一村儒狀極茸闌顧謂艾曰君此行登第矣艾曰賤子家於鄆無師友加之汶上少典籍今學疎援寡聊觀場屋耳儒者曰吾有書一卷以授君詰日奉納冀白果持至乃左傳第十也謂艾曰此卷書宜熟讀取富貴後四十

年亦有入因此書登甲第科然齡祿俱不及君記之艾頗為異時亦諷誦會李恩知舉試鑄鼎賦事在卷中一揮而就恩賞之擢甲科後四十年當祥符五年御試此題徐爽為狀元艾後以戶部侍郎致仕七十八薨徐四十為翰林學士卒澠水燕談

孰讀樂記

張客省退夫應舉時因醉乘驢過市誤觸倒雜賣擔子其人喧呼不已視擔中止有樂記疏一冊遂以五十金市之其人乃去張初不攜文字止閱所買樂記疏一冊無何省試出黃鍾為樂之末節論獨樂記為詳論檀場遂高選明年擢甲科倦游錄

殿試無艱

宋自太祖以來進士過省越殿試尚有被黜者遂方寒士殿試

下貧不能歸多至矣所有赴河而死者仁宗聞之惻然自此殿試不黜落雖犯亦收之末名為定法可以謂之仁矣

兄弟同登

曾鞏子固嘉祐二年歐陽永叔知貢舉子固兄弟四人同登科

鼠啣試卷

杜鎬龍圖江南名士植之祖也初登第時將試前夕見大鼠啣卷於前追之乃孝經正義明白果於正義中出題二道

夢中改名

孫夢得初名貫字道卿嘗語子曰某舉進士過長安夢登塔見持一大文卷者問之云來年春榜索而視之不可問其間有孫貫否曰無淮第二人有孫升既寤遂改名升明年果然東齋記事

貴游覆試

王祐知舉，陶穀子邴登第。上曰：穀不能訓子，邴安得登第？遂命
中書覆試。因詔自今舉人凡關食祿之家，皆令覆試。因史

貴游擢第

故事：進士唱名，宰執從官侍立。左右有子弟與選者，唱名之次，
必降階稱謝，縉紳間頗以為榮。建炎初，車駕在揚州，會放進士，
時楊中立龍圖以待讀侍立，而其子適以時奏名，預唱名。中立
亦降階稱謝，時適之年已五十餘，中立七十餘矣。前此所無也。

自取儒科

李宗諤，昭之子，七歲能屬文。耻以父任得官，獨由鄉舉。既第，進
士授校書郎。

再擢科第

元厚之舉進士，擢高等，殿試被黜，復舉進士中第。

廷對賜燭

舊例：廷試舉人至暮者，許賜燭。然殿深易異，日昃則殿上燭出
矣。慶元五年，上初策士。江西正奏名進士黃寔，嚴州特奏名進
士皇甫鑑，納卷最後。廣州特奏名進士劉嘉猷，賜燭至一更四
點。御樂院言：故事，賜燭正奏名降一甲，特奏名降一等。朝野雜
誌

奏文星暗以下係下第

唐大中間，天官奏云：文星暗，科場當有事。後經三科，盡覆試，復
落考官，皆罰俸。朝野金載

朱韻坦率

宋齊老於場屋舉止可笑嘗試賦輒失官韻乃村鷹曰宋五又坦率矣由是大著名後禮部上甲乙名德宗先問曰宋五得無坦率否

一生無成

馮藻應二十五舉姻親勸令罷舉未官藻曰譬音如一生無成

更應五舉北夢瑣言

失無溫色

黃魯直得洪州解頭赴省試與侯希聖數人待榜相傳魯直為省元同舍置酒有僕自門被髮大呼而入舉三指問之乃同舍三人魯直不與坐上數人皆散去至有流涕者魯直飲酒自若飲罷看榜不少見於顏色孫公談圃

古今文集

雜著

送班孝廉擢第歸東川觀省序

柳宗元

隴西辛殆庶猥稱吾文宜敘事晨持縑素以班孝廉之行爲請且曰夫人殆所謂吉士也愿而信質而禮世其家業研精墳典屬者舉春官獲居其甲焉家于蜀之東道其嚴君以客卿之位贊是方岳爲大人良今將拜慶寧觀光耀族屬是其可歌也道出于南鄭外王父以將相之重九命赤社爲諸侯師今又將亟駕省謁從容燕喜是又可歌也故基等若干人皆歌之矣若乃序者固吾子宜之柳子曰吾嘗讀王命論及漢書嘉其立言彼生彪固之胃歟相國馮翊公功在社稷德在生人其門子遊文

章之府者。吾嘗與之齒。彼生嚴氏之出歟。兼世家之儒風。沐外族之休光。彼生專聖人之書而趨君子之林。宜矣哉。遂如辛氏之談。濡翰于素。因寓于辭。曰。爲我謝子之舅氏。珠玉將至。得無脩容乎。

送陳自然西上序

馬子才

朔風驚沙。枯稍號寒。子行亦良苦。聞之京師。曰。米如買珠。薪如束桂。膏肉如玉。酒樓如登天。驟雨至矣。黑潦滿道。則馬如游龍。清霜激風。客衣無襦。抱膝而苦調。則火如紅金子。之遊京師。所以待此具者。其挾幾何。豈子之家位高。金多。父母兄弟。渠渠款款。厚撫以遺子乎。曰。無有也。豈子之鄰里鄉黨。相悅以義。出門辭東家。而西家待贖矣。寧有是乎。曰。無有也。豈子之昵親挾友。

入室握手。說無說。有把酒相別。飲酣氣張。有解劍而指。廩者乎。曰。無有也。然則子之此遊。挾何術以往。曰。吾視囊中。不見其有物。視吾胸中。耿耿者尚在也。以吾之耿耿者。遊天地間。庶幾必有合乎。子聞其言而壯之。曰。今人適百里。必宿春而浙乃敢出門戶。今子有數千里之役。徒手以往。浩然無憂。子固驚恠子矣。果如子言。子來春於江南林右之下。聞北方有焔焔者。必子也。

新進士期集

新及第進士。舊以名次高下。率錢期集。貧者或稱貸於人。祐陵聞之。熙寧六年。始賜新進士錢三千緡。爲期集費。自余中始也。渡江後。賜千七百緡。自是遂爲故事。舊新進士入謝。進謝恩銀百兩。熙寧六年亦罷之。今新進士期集。所號爲團司。置局於禮

部貢院釋褐日即付上三人主之其職事有糾彈成表主管題
 名小錄堂儀典客掌計掌器掌膳掌酒菓監門等多或至百餘
 人仍具所差姓名申禮部御史臺照會後旬日朝謝又數日拜
 黃甲敘同年于禮部貢院其儀三名設褥于堂上東西相向同
 年四十已上立于東廊四十已下立西廊皆再拜拜已擇榜中
 年長一人狀元拜之復擇最少者一人拜狀元又數日赴國子
 監謁謝先師鄒國公用釋菜禮三名為三獻榜中有士望者一
 人為監禮官已謝賜聞喜宴于禮部貢院侍從以上及館職皆
 與知舉官押宴已宴立題名石刻乃罷局焉太凡團司主狀頭
 授告出國門乃罷

朝野雜記

古詩

寄崔立之

韓愈

西城員外承心跡兩崛竒往歲戰詞賦不將勢力隨下驢入省
 門左右驚分披傲兀坐試席深叢見孤麗文如翻水成初不用
 意為四座各低回不敢換眼窺升階揖侍郎歸舍日未歆佳句
 喧眾口考官敢瑕疵連年收科第若摘領底髭迴首卿相位通
 途無他岐豈論校書郎袍笏光參差童稚見稱說祝身得如斯
 儕輩妬且熱喘如竹筒吹老婦願嫁女不約論財資老翁不量
 分累月咎其兒攪爭附託無人角雄雌由來人間事翻覆不
 可知安有巢中鷲插翅飛天隨駒麈者爪牙猛虎借與皮汝頭
 有韁繫汝脚有索縻陷身泥溝間誰復稟指撝不脫吏部選可
 見偶與竒又作朝士貶得非命所施憐我還好古官途同險巖

君看一時人。幾輩先騰馳。過半黑頭外。陰蟲食枯飢。歡華不滿
眼。咎責塞兩儀。夫子固吾黨。新恩釋銜羈。去來伊洛上。相待安
恩筭。我有雙飲琖。其銀得朱提。黃金塗物象。雕鏤妙工儻。乃令
千里鯨。公麼微。僉斯猶能爭。明月擺掉出。激瀾野草花。菜細不
辨。蒼葦施綿。相糾結。狀似環城埤。四隅芙蓉樹。擢艷皆倚
鯨。以與居。狀失所逢。百罹月以喻。夫道僂倪。勵莫虧。草木明覆
載。妍臭齋榮萎。願君常御之行止。親。遂觸異日期。對舉當如合
分支。

律詩

上禮部陳侍郎

唐施肩吾

九重城裏無親識。八百人中獨姓施。弱羽飛時攢箭險。寒驢行

處薄米危。猜天欲照盆。難及貧女如花鏡。不知却向從來受恩
地。丹朱青律變寒枝。

崇政殿放榜

蔡持正

黃帕開封出。秦篇銀袍二百玉。堦前威顏咫尺。瞻中宸。名姓傳
呼下九天。宮筆旋題黃甲字。禁門已簇杏花韉。孤臣拜賜交悲
喜。相望先分五十年。

送蜀人張師厚赴殿試

蘇子瞻

雲龍山下試春衣。放鶴亭前送夕暉。一色杏花二十里。新郎君
去馬如飛。

重送胡大夫赴振武

武舉 楊巨源

何年權桂儒生業。今日分茅聖主恩。旌旆仍將遇鄉路。軒車爭

出看都門人間文武能雙捷天下安危待一論布惠宣威大夫
事不妨詩思許琴樽

詩話

謁光範門

新進士放榜後翼日排光範門候過宰相雖云排光範門其實
建福門集於四方館者昔有詩曰華陽觀裏鍾聲集建福門前
鼓動時即其事也

移樂泛舟

唐進士開宴曲江亭既徹饌則移樂泛舟又有燈閣打球之會
故東坡有曲江舫舫月燈毬之句

瘦馬番羶

唐太和八年放進士多賢士無名子作詩曰兒還有大通年
六十二人籠伏全薛庶準前騎瘦馬范鄴依舊蓋番羶秦中記

丹桂五枝

竇禹鈞有子五人儀儼侃僖俱登科馮道贈之詩曰靈椿一
株老丹桂五枝芳

命妓開燕

揚汝士尚書鎮東川其子及第汝士開宴管妓咸集汝士命人
與綾一端詩曰郎君得意正青春蜀國將軍又不貪一曲高歌
綾一疋兩頭娘子拜夫人

喜上登科

張師錫侍郎年八十有喜上登第詩曰御史今朝至見名心始

安爾能俱中第吾可遂休官賀客留連飲家書及覆看世科銜
不繼得慰二親難

擇婿車

唐進士開宴常寄曲江亭其日公卿家縱觀鈿車珠鞅櫛比而
至中東林者十八九故坡詩云囊空不辦尋春馬眼眩行看擇
婿車

換却舊衣

張籍送李餘及第詩歸去惟將新誥牒後來爭取舊衣裳又知
新進士以衣與人

登第放縱

杜牧之登科後二年放縱為詩曰落魄江湖載酒行楚腰纖細

堂中情十年一覺揚州夢贏得青樓薄倖名

少年登第

樂天登第詩云慈恩塔下題名處十七人中最少年時年二十

兄弟繼登

樂天與弟敏中行簡二人相繼皆中第樂天作詩云自憐郡姓
為儒少豈料詞場中策頰桂折一枝先語我揚穿二葉盡驚人
漁隱

師生窮達

李頰方干高第也登第後干寄詩曰弟子已攀桂先生猶臥雲
皆取寒素

元和十一載李源公榜二十二八皆取寒素時有詩曰元和天

子丙申年。二十二人同得仙袍似爛銀衣似錦相將白日上。青

郡守餞送

盧肇黃頗皆宜春人同舉郡守獨餞頗明年肇狀元及第郡守會肇觀競渡肇即席作詩云報道是龍人不信果然奪得錦標歸太守大慚

獻主司詩

孟賓于獻主司詩那堪雨後更鳴蟬溪隔重湖路七千。憶昔故園楊柳畔全家送上渡頭船主司得詩自謂得賓于之晚雅言

賜進士詩

太宗好文進士及第賜聞喜宴常作詩贈之景祐間因以為故事仁宗在位四十二年賜詩尤多不必盡上所作景祐年賜詩

波句云寒儒逢景運報德合如何論者謂質厚宏壯真詔旨也頁父詩話

破天荒

唐荆州每解舉人多不成名號曰天荒至劉蛟舍人以荆州解及第曰破天荒東坡嘗以一百兩贖瓊州進士姜唐佐云滄海何曾斷地脉白袍端合破天荒用此事也姜唐佐過許昌見穎濱時東坡已下世相持出涕穎濱為題其後云待子及第當續後句復足成其詩云生長茅間有異芳風流稷下古諸姜適從瓊管魚龍窟秀出羊城翰墨場云云錦衣他日千人看始信東坡眼目長

錦織御詩

李廷臣官於瓊管有二夷人獻錦臂條上織成一聯云恩袍藍色動仙籍桂香浮乃仁廟朝賜進士及第人詩也廷臣以千金易之藏為珍寶青瑣

紅裙爭看

舒王有詩云却憶金明池上路紅裙爭看綠表郎歐公謂舒王曰謹願者亦復為之耶

止壓三人

周師厚在鄭獬榜及第只壓得陳傳自賦云云有眼不堪看鄭獬回頭猶喜看陳傳

詩戲壓榜

紹興丙午正奏名第廿一人王十朋持奏名第廿一人李三錫時宗

室于居觀榜尾不樂或以詩戲之曰舉頭雖不窺王十朋脚猶能踏李三

律詩 以下係下第

下第集句

石曼卿

一生不得文章力欲上青天未有因聖主不勞千里召嫦娥何惜一枝春鳳凰詔下須沾命豺虎叢中也立身啼得血流無着處朱衣騎馬是何人西清詩話

與潘二失解後飲酒

蘇子瞻

于金敵帚誰人買半額娥眉世所妍顧我自為都眊曠憐君欲鬪小嬋娟青雲豈易量花七日黃菊猶應似去年醉裏未知誰得喪滿江風月不論錢

詩話 以下係下第

賤了英雄

唐制進士科甚重其老外文場者亦無限故有詩云太宗皇帝
真長策賤得英雄盡白頭國史補

下第獻詩

唐元和中士人下第多為詩刺試官獨章孝標作歸燕詩獻更
承宣侍郎曰積累危巢泥已落今年故向社前歸連雲大厦無
棲處更傍誰家門方飛

東野下策

孟東野下第詩曰棄置復棄置情如刀劍傷又再下第詩曰兩
度長安陌空將淚見花其後登第詩曰昔日齷齪不足嗟今朝

曠蕩恩無涯春風得意馬蹄疾一日看盡長安花進取得失蓋
亦常事而東野器宇不宏偶下第則情隕獲如刀劍傷以至下
淚既登科則志意充溢一日之間花則看盡荷其速耶後授溧
陽尉卒唐宋遺史

在孫山外

孫山應舉綴名榜末朋儕以書問山得失荅曰解名盡處是孫
山餘人更在孫山外覽者大笑

特科

晚成附

羣書要語天器晚成老子

詩曰紫綬映晚華杜古人多重晚年榮杜荀鶴

古今事實

老而仕

絳縣人七十有二年矣趙孟仕之使為君復陶王衣服之官以為絳縣師左襄

八十司徒

鄭武公年過八十入為周司徒

六十始仕

公孫弘年六十以賢良徵為博士至宰相封侯

八十召拜

武帝東帛加璧安車駟馬迎申公時年已八十餘矣天子以為中大夫儒林

太才晚成

馬援兄况謂援曰汝太才當晚成本傳

頭白補郎

漢獻帝詔曰今耆儒年踰六十去離本土結童入學白首空歸長委農野求絕榮望朕甚憫焉其依科罷者聽為太子舍人時長安中為之謠曰頭白皓然食不克糧裹衣囊裳當還故鄉聖主愍念悉用補郎舍是布衣被服玄黃

七十而召

張柬之以賢良召時年七十餘矣狄仁傑薦曰荊州長史張柬之雖老宰相才也姚崇又薦曰其人老唯亟用之即日召拜平章事年已八十

立推恩法

至和間富公當國立一舉三十年推恩之法蓋公與河南進士段希元魏升平同場屋相善公作相不欲私之故為天下之制聞見錄

推恩授官

特奏名第一等二名附前五甲餘並登仕郎第二等京府助教第二等上州文學第四等下州文學並候郊恩出官第五諸州助教

古今文集

詩話

特奏賦詩

崇寧中特奏名狀元徐通瓊林宴罷作詩曰白髮青衫晚得官瓊林頓覺酒腸寬平康夜過無人問留得官花醒後看侯鯖錄

新編古今事文類聚前集卷之二十七 終

事文類聚前集

卷之二十七

二十七

早稲田大学図書館

011488505477